

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՌՈՂՋԱՊԱՀՈՒԹՅԱՆ ՆԱԽԱՐԱՐՈՒԹՅՈՒՆ

ԳԼԽԱՎՈՐ ՔԱՐՏՈՒՂԱՐ

ՀՐԱՄԱՆ

«13 ապրիլ» 2022 թ No 1998-Ղ

«ԱՐՄՇԻՆ 91 ԳՐՈՒՊ» ՍՊԸ-ԻՆ ԳՆՈՒՄՆԵՐԻ ԳՈՐԾԸՆԹԱՑԻՆ ՄԱՍՆԱԿՑԵԼՈՒ ԻՐԱՎՈՒՆՔ ՉՈՒՆԵՑՈՂ ՄԱՍՆԱԿԻՑՆԵՐԻ ՑՈՒՑԱԿՈՒՄ ՆԵՐԱՌԵԼՈՒ ՄԱՍԻՆ

Առողջապահության նախարարության կողմից 09.03.2026թ. հրապարակվել է «ՀՀ ԱՆ ԷԱՃԱՊՁԲ-2026/27» ծածկագրով գնման ընթացակարգի հրավեր էլեկտրոնային աճուրդ համակարգում: Հայտերի ներկայացման վերջնաժամկետ է սահմանվել 2026 թվականի մարտի 20-ին, ժամը 12:00-ին, իսկ հակադարձ աճուրդի մեկնարկը՝ 2026 թվականի մարտի 23-ին ժամը 12:00-ին: 2026 թվականի մարտի 24-ին ժամը 12:30-ին գնահատող հանձնաժողովը հրավիրել է նիստ՝ մասնակիցների կողմից ներկայացված հայտերը բացելու և առաջին տեղը զբաղեցրած մասնակիցների հայտերը գնահատելու նպատակով: Հայտ են ներկայացրել թվով 17 կազմակերպություններ, որոնցից 7-ը առաջին տեղ զբաղեցնողներ՝ այդ թվում «Արսշին 91 Գրուպ» ՍՊԸ-ն (այսուհետ՝ Կազմակերպություն): Բացի «Երմեղ» ՍՊԸ-ից, մնացած բոլոր առաջին տեղը զբաղեցրած մասնակիցների կողմից ներկայացված հայտերը կազմված են եղել հրավերի պահանջներին անհամապատասխան և ենթակա են եղել շտկման: Հիմք ընդունելով ՀՀ Կառավարության 04.05.2017թ. թիվ 526-Ն որոշմամբ հաստատված կարգի 41-րդ և վերոնշյալ գնման ընթացակարգի հրավերի 1-ին մասի 8.11 կետերի պահանջները գնահատող հանձնաժողովը որոշել է մեկ աշխատանքային օրով կասեցնել հայտերի գնահատումը և հնարավորություն տալ շտկել մասնակիցներին առձանագրված անհամապատասխանությունները և գնահատող հանձնաժողովի քարտուղարը էլեկտրոնային աճուրդ համակարգի միջոցով 24.03.2026թ. ծանուցել է մասնակիցներին շտկման մասին: Ստորև

ներկայացվում է գնահատող հանձնաժողովի կողմից կազմված Կազմակերպությանը ներկայացված շտկման ծանուցումը.

«ԱՐՄՇԻՆ 91 ԳՐՈՒՊ» ՍՊԸ

Հարգելի մասնակից:

«ՀՀ ԱՆ ԷԱՃԱՊՁԲ-2026/27» ծածկագրով գնման ընթացակարգի գնահատող հանձնաժողովը ուսումնասիրելով Ձեր կողմից ներկայացված մասնակցության հայտը, արձանագրել է մի քանի անհամապատասխանություններ, որոնք ենթակա են շտկման: Հիմք ընդունելով ՀՀ կառավարության 04.05.2017թ. թիվ 526-Ն որոշմամբ հաստատված կարգի 41-րդ կետի պահանջները խնդրում ենք մեկ աշխատանքային օրվա ընթացքում շտկել Ձեր կողմից ներկայացված հայտը՝ մասնավորապես հրավերի պահանջով ներկայացված Հավելված 1-ը ստորագրված չէ՝ ՀՀ ռեզիդենտ հանդիսացող մասնակիցը դիմում-հայտարարությունը հաստատում է էլեկտրոնային թվային ստորագրությամբ, որի հավաստագիրը պետք է զետեղված լինի «Նույնականացման քարտերի մասին» Հայաստանի Հանրապետության օրենքով սահմանված կարգով տրամադրված նույնականացման քարտում: Հայտում ներառվող փաստաթղթերը էլեկտրոնային թվային ստորագրությամբ հաստատվելու դեպքում չեն կնքվում, ինչպես նաև հրավերով սահմանված պահանջներով մասնակիցը պետք է ներկայացնի իրական շահառուների վերաբերյալ հայտարարագիր՝ համաձայն հավելված՝ 1.3-ի (ներկայացված հայտարարագրի ձևին համապատասխան) ՀՀ ռեզիդենտը, ինչը ներկայացված չի, անհրաժեշտ է ներկայացնել: Անհրաժեշտ է շտկել նաև Ձեր կողմից առաջարկվող ապրանքների ամբողջական նկարագրերը (տեխնիկական բնութագրերը) մասնավորապես՝ 5-րդ և 6-րդ չափաբաժինների համար նշել հստակ ֆիրմային անվանումները, ապրանքային նշանները, մակնիշները և արտադրողի անվանումները՝ ուղեկցող փաստաթղթերին համապատասխան, առանց թարգմանության, ինչպես նաև նշված չափաբաժինների համար ներկայացնել տեխնիկական բնութագրերի հստակ չափանիշները, բացառելով «կամ», «համարժեք», «ոչ ավել», «ոչ պակաս», «պետք է» և նմանատիպ այլ երկակի մեկնաբանվող արտահայտությունները: Նշված չափաբաժինների համար նշել հստակ երաշխիքային ժամկետները, ինչպես նաև որակի վկայականները՝ հրավերի պահանջներին համապատասխան, բացառելով «կամ», «համարժեք» և նմանատիպ այլ երկակի մեկնաբանվող արտահայտությունները, ինչպես նաև հստակեցնել նոր,

չօգտագործված լինելու հանգամանքը՝ բացառելով «պետք է» լինի արտահայտությունը, այլ հստակ նշվի: Շտկված տարբերակը ներբեռնել էլեկտրոնային աճուրդ համակարգ:»:

Սահմանված ժամկետի ավարտին՝ 26.03.2026թ. էլեկտրոնային աճուրդ համակարգում հասանելի են եղել մասնակցի կողմից ներկայացված պահանջված շտկումները: Գնահատող հանձնաժողովը գնահատելով Կազմակերպության կողմից ներկայացված շտկված փաստաթղթերը արձանագրել է, որ Կազմակերպության կողմից պահանջվող շտկումները կատարել են մասնակի, ոչ լիարժեք, մասնավորապես շտկվել և ստորագրված ներկայացվել է Հավելված 1-ը՝ դիմում-հայտարարությունը, ներկայացվել է շտկված Հավելված 1.3-ը՝ իրական շահառուների վերաբերյալ տեղեկատվությունը: Սակայն 5-րդ և 6-րդ չափաբաժինների ապրանքների ամբողջական նկարագրերը (տեխնիկական բնութագրերը) շտկված են մասնակի, ներկայացվել են ֆրմային անվանումները, ապրանքային նշանները, մակնիշները և արտադրողի անվանումները տեխնիկական բնութագրերի հստակ տեխնիկական չափանիշների շտկում չի իրականացվել, այն դեպքում, երբ գնահատող հանձնաժողովի կողմից պահանջվել էր շտկել և հստակ ներկայացնել ապրանքների տեխնիկական չափանիշները, սակայն նշված չափաբաժինների համար հստակ նկարագրությունների փոխարեն, պատճենված են հրավերի բնութագրերը, առանց հստակեցնելու առաջարկվող չափորոշիչները, երաշխիքային ժամկետներն ու որակի վկայականները, չեն շտկվել «կամ», «համարժեք», «ոչ ավել», «ոչ պակաս», «պետք է» և նմանատիպ այլ երկակի մեկնաբանվող արտահայտությունները: Ուստի «Արսշին 91 Գրուպ» ՍՊԸ-ի հայտը ենթակա է մերժման և հիմք ընդունելով 04.05.2017թ. ՀՀ կառավարության թիվ 526-Ն որոշմամբ հաստատված կարգի 33-րդ կետի 19-րդ մասը՝ մասնակիցը հրավերով սահմանված կարգով և ժամկետներում չի ներկայացնում հրավերով նախատեսված փաստաթղթերը, ներառյալ այն դեպքերը, երբ սահմանված ժամկետում չի շտկում կամ ամբողջական չի շտկում հայտի գնահատման արդյունքում արձանագրված անհամապատասխանությունները կամ ընտրված մասնակիցը չի ներկայացնում որակավորման կամ պայմանագրի ապահովումը կամ համաձայնագիրը կնքելու նպատակով պայմանագիրը կնքած անձը չի փոխարինում տուժանքի ձևով ներկայացված որակավորման կամ պայմանագրի ապահովումը, ապա այդ հանգամանքը համարվում է որպես գնման գործընթացի շրջանակում

ստանձնված պարտավորության խախտում, «Արսշին 91 Գրուպ» ՍՊԸ-ի կատարված մասնակի շտկումը համարել գնման գործընթացի շրջանակում ստանձնված պարտավորության խախտում:

Ելնելով վերոգրյալից և հիմք ընդունելով ՀՀ Կառավարության 04.05.2017թ. թիվ 526-Ն որոշմամբ հաստատված կարգի 42-րդ և վերոգրյալ գնման ընթացակարգի հրավերի 1-ին մասի 8.11 և 8.15 կետերի պահանջները գնահատող հանձնաժողովը կայացրել է որոշում՝ Կազմակերպության հայտը գնահատել անբավարար:

«Գնումների մասին» ՀՀ օրենքի 6-րդ հոդվածի 1-ին կետի 6-րդ ենթակետի «ա» պարբերության համաձայն՝ մասնակիցն ընդգրկվում է գնումների գործընթացին մասնակցելու իրավունք չունեցող մասնակիցների ցուցակում, եթե խախտել է պայմանագրով նախատեսված կամ գնման գործընթացի շրջանակում ստանձնած պարտավորությունը, որը հանգեցրել է պատվիրատուի կողմից պայմանագրի միակողմանի լուծմանը կամ գնման գործընթացին տվյալ մասնակցի հետագա մասնակցության դադարեցմանը և մասնակիցը հրավերով և (կամ) պայմանագրով սահմանված ժամկետում չի վճարել հայտի (համաձայն ՀՀ Կառավարության 04.05.2017թ. թիվ 526-Ն որոշմամբ հաստատված կարգի 32-րդ կետի 9-րդ ենթակետի՝ եթե գնման հայտով տվյալ ընթացակարգի շրջանակում գնվելիք ապրանքի, աշխատանքի կամ ծառայության գինը (պլանավորված (կանխատեսվող) գնման ընդհանուր գինը) չի գերազանցում գնումների բազային միավորի քսանհինգապատիկը, ապա հայտի ապահովում չի ներկայացվում, որից էլնելով վերոգրյալ գնման ընթացակարգի հրավերով սահմանված չի եղել հայտի ապահովման ներկայացման պահանջ, որովհետև չափաբաժինների գնման գները չեն գերազանցել 25 միլիոն դրամը), պայմանագրի և (կամ) որակավորման ապահովման գումարները: Բացի այդ, «Գնումների մասին» ՀՀ օրենքի 6-րդ հոդվածի 2-րդ կետի համաձայն, լիազորված մարմինը մասնակցին ներառում է գնումների գործընթացին մասնակցելու իրավունք չունեցող մասնակիցների ցուցակում պատվիրատուի ղեկավարի պատճառաբանված որոշման հիման վրա: Սույն մասում նշված որոշումը պատվիրատուի ղեկավարը կայացնում է գնման ընթացակարգը չկայացած հայտարարվելու կամ կնքված պայմանագրի վերաբերյալ հայտարարությունը հրապարակելու կամ պայմանագիրը միակողմանի լուծելու մասին հայտարարությունը հրապարակելու օրվան հաջորդող տասն օրվա ընթացքում:

Որոշումը կայացվելուն հաջորդող օրը այն տրամադրվում է լիազորված մարմնին և մասնակցին: Լիազորված մարմինը մասնակցին ներառում է գնումների գործընթացին մասնակցելու իրավունք չունեցող մասնակիցների ցուցակում որոշումն ստանալուն հաջորդող քառասուներորդ օրվան հաջորդող հինգ օրվա ընթացքում, իսկ որոշումն ստանալուն հաջորդող քառասուներորդ օրվա դրությամբ մասնակցի կողմից որոշման բողոքարկման վերաբերյալ հարուցված և չավարտված դատական գործի առկայության դեպքում՝ տվյալ դատական գործով եզրափակիչ դատական ակտն ուժի մեջ մտնելու օրվան հաջորդող հինգ օրվա ընթացքում, եթե դատական քննության արդյունքով որոշման կատարման հնարավորությունը չի վերացել: Մասնակիցը նշված ցուցակում ընդգրկվում է ներառվելու օրվան հաջորդող օրվանից երկու տարի ժամկետով:

**Հ Ր Ա Մ Ա Յ ՈՒ Մ Ե Մ՝**

Ղեկավարվելով «Գնումների մասին» օրենքի 6-րդ հոդվածի 1-ին մասի 6-րդ կետի «ա» ենթակետի և նույն հոդվածի 2-րդ մասի պահանջներով՝ և հիմք ընդունելով ներքոնշյալ աղյուսակում նշված հանգամանք(ներ)ի առկայությունը՝ հրամայում եմ ստորև բերված աղյուսակում նշված մասնակցին ներառել գնումների գործընթացին մասնակցելու իրավունք չունեցող մասնակիցների ցուցակում:

Գնման ընթացակարգի		Մասնակցի				Պատվիրատուի անվանումը	Իրավական հիմք	Այլ անհրաժեշտ տեղեկատվություն՝
Ցածկ ազիդը	չափաբաժնի	Անվանումը	ՀՎՀՀ	գործունեության հասցեն	գնումների գործընթացին և մասնակցելու պայմաններին չբավարարելու հանգամանքների առաջացման ամսաթիվը			

1	2	3	4	5	6	7	8	9	10	11
ՀՀ ԱՆ ԷԱՃԱ ՊԶԲ-2026/27	5	Կշեռք մանկական հասակաչափով	5,850,000	«Արսշի ն 91 Գրուպ » ՍՊԸ	01091058	Ք. Երևան, Նոր Նորք Մուղղակական 60 0062	03.04.2026թ	Առողջապահության նախարարություն	1-ին սյունակում նշված ընթացակարգի հրավերի 1-ին մասի 8.15 կետ (հրավերով սահմանված ժամկետում ամբողջական չի շտկել հայտի գնահատման արդյունքում արձանագրված անհամապատասխանությունները, որի արդյունքում հայտը գնահատվել է անբավարար)	Առկա է
ՀՀ ԱՆ ԷԱՃԱ ՊԶԲ-2026/27	6	Օդի ռեցիբիկուլյատոր	5,655,000	«Արսշի ն 91 Գրուպ » ՍՊԸ	01091058	Ք. Երևան, Նոր Նորք Մուղղակական	03.04.2026թ	Առողջապահության նախարարություն	1-ին սյունակում նշված ընթացակարգի հրավերի 1-ին մասի	Առկա է

						60 0062			8.15 կետ (հրավերով սահմանված ժամկետում ամբողջա կան չի շտկել հայտի գնահատման արդյունքում արձանագ րված անհամա պատասխան անությունները, որի արդյունքում հայտը գնահատվել է անբավարար)
--	--	--	--	--	--	------------	--	--	---

4/13/2026

X *Grigoryan*  
 \_\_\_\_\_  
 ՌԴԻԲԵՆԻԿԱՐԿԱՆՈՒԾ  
 Signed by: GRIGORYAN VARDANUSH 6802780100  
 Վ. ԳՐԻԳՈՐՅԱՆ

